

8 Maart 2012

Jaargang 5 – Uitgawe 6

In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Agterblad
- Aanhangsel



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

My pad met Teologie

Een van die grootste besluite wat 'n mens maak na jou matriekjaar, is om te kies wat jy wil gaan studeer. Vir my het die keuse op Teologie geval.

Ek moet in alle eerlikheid sê dat dit definitief nie my eerste keuse was nie. Alhoewel dinge soos die apokriewe boeke my geïnteresseer het en ek baie vrae oor die meer akademiese kant van geloof gehad het, kon ek myself net nie so ver bring om daardie finale stap te neem nie. Dit is 'n ongelooflike groot verantwoordelikheid, en hoe help jy mense om die Here te vind as jy self heeltemal wees is met tye?

Bybelse berading en psigologie, 'n kursus wat by Pukke aangebied word, het my die beste van albei hierdie wêreld gebied. Ek het vas by my keuse gestaan, totdat ons hoofkategeet met ons gepraat het oor ons wil en die Here se wil. Van daardie dag af was dit verby, Teologie sal dit wees en Teologie sal dit bly.

As 'n eerstejaargestudent van die Hervormde Kerk, en met baie kennis as gevolg van die kategeseboekies en die internet, was ek reg vir die pad wat ek vir die volgende ses jaar sal moet stap. Die universiteit sou my seker nie veel meer kon leer as wat ek reeds in daardie stadium geweet het nie, reg? Verkeerd! Afgesien van die Grieks en Hebreeus wat 'n groot aanpassing was, was daar ook 'n ander benadering tot leer wat totaal en al verskil van dit waaraan ek gewoond was. Voeg dan nog by dat jy ook op 'n ander manier moet leer dink, en jy het die perfekte resep vir chaos. Definitief 'n rowwe eerste maand weg van die huis af.

Ek was verbaas om te hoor hoe maklik die dosente met ons kon praat en hoe ons ons opinie kon lug sonder om stilgemaak te word of 'n neerhalende opmerking van hulle of die klas te kry. Alhoewel ek nie altyd saamgestem het met van my medestudente se opinies nie, het hul opinies op 'n vreemde manier gehelp om my eie opinie te versterk. Die feit dat ons studente van die NG Kerk, Presbiteriaanse Kerk en die Hervormde Kerk is wat saam klas kry, het ons ook almal 'n soort verdraagsaamheid geleer wat baie keer afwesig is by kerke wie se predikante of pastore by seminaria opgelei word. My respek het aangehou groei, veral vir die Hervormde dosente. Al daardie vrae wat ek gedink het taboe is vir enige Hervormer, kon ons met vrymoedigheid vra en daarvoor gesprek voer. So het ek tot die besef gekom dat jy nie akademie van 'n preekstoel af kan preek nie, maar dat enigiemand met vrymoedigheid na hul predikant toe kan gaan met vrae oor die geloof wat hulle kwel.

Teologie het my wildste drome oortref en dit raak regtig net beter en beter. Na die eerste maand en 'n half op kampus in my BTh2-jaar, het ek reeds so baie geleer in Praktiese Teologie dat ek dit daadwerklik kan toepas in verskeie situasies. Ek verruil hierdie geleentheid vir niks anders in die wêreld nie!



Skakels

Webblad van die Hervormde Kerk www.nhk.co.za

Die Hervormer www.hervormer.co.za

e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, klik op www.hervormer.co.za/cancel.html

Nastasia Vosloo
BTh2-student aan UP

BEROEPE EN STANDPLASE

Kontak die webbladredakteur, prof Ernest van Eck, by ernest.vaneck@up.ac.za om vakante standplase op die Kerk se amptelike webblad by www.nhk.co.za te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.



Ds Lammert van Rooyen

Beroep ontvang

- **Ds Lammert van Rooyen** van Leeudoringstad/Makwassie na Pietermaritzburg (deelsorg)

PREDIKANTE EN GEMEENTES

Alle lief en leed vir plasing in die kerklike publikasies moet aan die Sekretaris vir SENTIK, dr Wouter van Wyk, by wouter@nhk.co.za gestuur word, of skakel hom by 082 339 2332.

- Vroeër hierdie week is **prof Pieter W Hoek** in die ouderdom van 94 jaar oorlede. Op Donderdag 8 Maart is 'n gedenkdien in die kerkgebou van **Pretoria-Oos** gehou. Hy was dekades lank 'n ouderling en lidmaat daar. Prof Hoek het jare lank in die Raad van Finansies gedien. Hy het diep spore getrap in die akademie en sakewêreld tussen ongeveer 1940 en 1980, veral in die vestiging van die Departement Rekeningkunde en Ouditkunde en die eerste nagraadse bestuurskool aan UP. Later het hy 'n groot rol in onder andere Yskor gespeel. Op akademiese terrein en in sy breë invloed in die sakewêreld het hy oral Afrikaans as taal sterk bevorder. Hy word oorleef deur vier dogters nadat mev Hester Hoek hom in 2000 ontval het.
- **Mnr Jaap van der Linde**, vader van di Hennie en Louw van der Linde en skoonvader van ds Johan Bester, is op 7 Maart na 'n hartaanval oorlede. Ons innige simpatie gaan aan sy vrou, Nelie, en die familie.
- **Ds Herman Gothan** van Gemeente Heilbron tree Saterdag 10 Maart om 10:00 in die NG gemeente Kloofsig in Lyttelton, Pretoria, in die huwelik met Karin Human. Dit was Karin se gemeente. Ds John Putter van Drie Riviere neem die bevestiging waar. Baie geluk aan die paartjie!
- **Sonet Esterhuizen** is die nuwe sekretaresse van die Algemene Diakensvergadering (ADV) en die Kinderhuise (DPS-stelsel). Sy het op 1 Maart begin, en vul die plek van Marié van Niekerk, wat vanaf 1 Januarie 2012 oorgeskuif het na die kantoor van die Administrateur. Sonet was voorheen verbonde aan die SAPD se maatskaplike afdeling. Sy is die dogter van ds Peet Esterhuizen van Gemeente Wonderboom, en is daarom geensins onbekend met die Hervormde Kerk nie. Ons wens haar alle sterkte toe met haar nuwe werk. Sonet kan gekontak word by 012 322 8885 x221, per of e-pos by diens@diakens.co.za.
- Twee jaar gelede is **ds Marius en Colette Kramer** in Gemeente Rustenburg-Suid georden. Op 26 Februarie vanjaar het die gemeente van hulle afskeid geneem nadat hulle 'n beroep na Kampersrus in die Hoedspruit-omgewing aanvaar het. Die gemeente wens die egpaar Gods rykste seën toe.
- Die Proponentseksamen van die 2011 finalejaar teologiese studente is afgehandel. Die suksesvolle kandidate voer op **Donderdag 8 Maart** met die Kommissie van die Algemene Kerkvergadering (AKV) gesprek met die oog op **toelating tot die evangeliebediening** dieselfde aand in die kerkgebou van Gemeente Pretoria. Akademiese pryse sal oorhandig word, en die proponente word dan beroepbaar gestel in die Kerk. Die verrigtinge begin om 19:00. Ons wens al die kandidate seën en sterkte toe, en sien daarna uit om hulle in nuwe hoedanigheid in die Kerk te verwelkom.



Sonet Esterhuizen

Ds Marius en mev Colette Kramer



Kerkgebou van Gemeente Pretoria



- Op die inligting- en besprekingsdag het die Kommissie van die AKV bekendgemaak dat daar ongeveer elke tweede week 'n **preekskets aan predikante** gestuur sal word. Die eerste daarvan, deur dr Daan van Wyk (jr), is op Woensdag 7 Maart uitgestuur. Die bedoeling daarmee is om die Kerk te lei om opnuut na die Woord te luister en daarvolgens te leef. So kan ons in Christus se voetspore volg. Die preeksetse is slegs as 'n hulpmiddel vir predikante bedoel, en bied nie 'n volledig uitgewerkte preek nie. Predikante en gemeentes is steeds welkom om hul eie preekprogramme te volg, maar kan moontlik daarvan gebruikmaak – ook in gereelde gesprekke met 'n eredienswerkgroep, 'n ouderlingevergadering of 'n Bybelstudiegroep. **Lidmate** kan gaan na www.nhk.co.za (of www.nhka.org) → So werk ons → Toerusting → In Christus se voetspore vir agtergrondinligting en 'n paar vrae oor die betrokke teksgedeelte wat gesprek in die gemeente kan stimuleer.
- **Gemeente Buffelspoort** (by Mooinooi) beskik oor 'n vakature vir 'n **orrelis**. Stuur aansoeke aan mev Sarie van den Berg by marikana@nhk.co.za, of kontak haar by 083 654 0626.
- **Preekbeurte in Dullstroom**. Predikante kan by Gemeente Dullstroom preek en gratis verblyf vir die naweek kry. Die verblyf is vir die predikant en sy/haar gade en 'n voorskoolse kind. Vir ander kinders moet self betaal word. Kontak Johanna by nhkdullstroom@yahoo.com of 072 116 3353.

Spesiale eredienste

- **Gemeente Kaapstad**
Sondag 11 Maart om 09:00
50-jarige ampsjubileum van **prof Eddie Engelbrecht**
Diens deur plaaslike predikant, ds Kathleen Smith
Oudl Frits Smit namens Kommissie van die AKV
Navrae aan ds Smith by kathleen@adept.co.za
- **Gemeente Bergsig: Paassangdiens**
Sondag 25 Maart om 18:00
Sanger Jan de Wet tree op tydens erediens
Navrae aan Marie de Wet by 082 402 4170
of bergsignhk@gmail.com
- **Gemeente Secunda: Dankdiens en Nagmaal**
Sondag 15 April
Na inwyding van saal en jeugkompleks (sien basaarinligting bladsy 5)
Skakel 017 631 2796 (Ma-Do 09:00-13:00) vir meer inligting
- **Gemeente Bronkhorstspuit: Eeufeesviering**
Sondag 22 April om 09:00
Kerkgebou vanjaar 100 jaar oud
Erediens en ete daarna
Alle oudlidmate welkom
Laat weet Gerda by 013 932 2929 (Di-Do 08:00-16:00)
as u gaan bywoon

Predikanteverjaardae

- **Die volgende predikante verjaar tot 16 Maart, en word hartlik geluk gewens.**
 - Vrydag 9 Maart: Di Koos Engelbrecht (emeritus), Carl Potterill (Kapelaan) en Louw van der Linde (Meyerspark)
 - Saterdag 10 Maart: Di Thomas Dreyer (Wapadrant) en Hardie Kotzé (Schweizer-Reneke)



- o Sondag 11 Maart: Dr Malan Storm (Meyerspark)
- o Maandag 12 Maart: Ds Jaco Dreyer (Empangeni)
- o Dinsdag 13 Maart: Ds Rudi Rust (Vanderbijlpark-Suid)
- o Vrydag 16 Maart: Di Gerrie Botha (Viljoenskroon) en Arie Kuyper (Villieria)

Bepaalde vergaderings en besoeke

- o Vrydag 9 Maart: Kommissie van die AKV
RDV Dorsland
- o Saterdag 10 Maart: RDV Krokodilrivier
RDV Krugersdorp
RDV Laeveld
RDV Middelburg
RDV Pogietersrus
- o Sondag 11 Maart: RDV Germiston
RDV Potchefstroom
RDV Pretoria
RDV Pretoria-Wes
RDV Zeerust
- o Dinsdag 13 Maart: Direksie van die Ondersteuningsraad
- o Woensdag 14 Maart: Finkom van die Kinderhuise
- o Donderdag 15 Maart: Bestuur van die Ondersteuningsraad
Monument-tehuise
Komitee vir die Kerkargief en Biblioteek
- o Vrydag 16 Maart: Finkom van die Ondersteuningsraad

Konserte en feeste

- **Saterdag 17 Maart: NHSV Delmas Sprankeloggend**
09:30 vir 10:00
Te Hervormde Kerk Delmas, Sarel Celliersstraat
Toegang: R80 per persoon (ligte ete ingesluit)
Tema: *Daar's 'n vrou in elke geur*
Spreker: Mev Gerrie Jordaan
Interessante uitstallings, items te koop
Opwindende pryse te wen
Dansoptrede: Step-up School of Dance
Fondse vir barmhartigheid
Kontak Lienie Struwig by 072 192 5563
of Elna Kruger by 083 287 3074

Kampe en wegbreke

- **Gemeente Montana: Vrouekamp 9 tot 11 Maart**
By Mopani Lodge, net buite Pretoria
Tema: *Steek 'n petunia in jou hoed en skaterlag!*
Spreker ds Janine Bevol-Manders
R500 per persoon
Vir navrae of besprekings: Jana Peenze 083 734 5426
of janapeenze@vodamail.co.za

Kompetisies en fondsinsamelings

- **Van Rensburg Monumenttehuis in Danville: Klap-'n-Tekkie Saterdag 10 Maart**
1, 5 en 10 km pretloop by Fonteinedal Pretoria
R25 inskrywingsfooi vooraf, maar R30 op die dag



Vir inskrywings en navrae kontak Elma by 082 954 7955
(ruelma@vodamail.co.za) of Elna by 083 443 9373
of besoek www.klapntekkie.co.za

- **Gemeente Tzaneen: Groot 3-kompetisie**
Sluitingsdatum 31 Mei 2012
Kaartjies R50
Wen een van 3 groot pryse
Geborg deur FNB Tzaneen,
AMC Classic se plaaslike agent, Ria Lourens (083 727 3951),
VW Lannie Motors Tzaneen,
en skenkings van lidmate en weldoeners
Pryse vir jagters, kokke én tekno's!
Prys 1: Jagnaweek in die Waterpoort, 1 eland, 1 koedoe, 1 rooibok
Prys 2: AMC Classic kookstel, waarde R15 000
Prys 3: iPad ter waarde van R6 500
Navrae aan gemeentelike kerkkantoor by 015 307 4508
of ds Richard van der Westhuizen by 072 144 7514

Basaars en markte

- **Saterdag 24 Maart 08:00 tot 13:00: Gemeente Theresapark Minibasaar**
Kerkterrein te Springboklaan, Theresapark
Veiling met ware winskopies – kom vroeg!
Heerlike eetgoed (pap-en-kaiings, afval, gebak, pannekoek, ens)
Vermaak vir die kinders
Navrae aan 012 542 3568 / 012 542 1321 / 073 099 3699
- **Saterdag 7 April: Gemeente Naboomspruit: Basaar**
Gewilde vleisstalletjie, witolifanttafel, veiling
Met kunstenaars Chris le Roux en Jeanette
Navrae aan Lena by 014 743 1325
- **Saterdag 14 April vanaf 09:00: Gemeente Secunda**
Ingebruikneming van saal en jeugkompleks
Lintknipseremonie en minibasaar
Oudlidmate en belangstellendes welkom
Vanaf 16:00 osbraai
Verwittig sekretaresse by 017 631 2796 (Ma-Do 09:00-13:00) as u gaan bywoon
- **Woensdag 18, Donderdag 19 en Vrydag 20 April: Gemeente Vryburg**
Gemeente beman 'n skoustalletjie
Benodig 120 sakkies aartappels en 40 sakkies uie
Is daar 'n groenteboer wat kan help?
Asseblief teen 'n goeie prys of dalk as skenking
Kontak ds Jasper van der Westhuizen by 083 415 2555 of 053 927 1379
of jpcvdw@lantic.net
- **Dinsdag 1 Mei: Gemeente Vaalharts**
Vaalharts-kontreifees
In Hartswater, Noord-Kaap
Marathon en halfmarathon
Bergfietswedren: 30 km en 60 km
Kontak Riaan Esterhuizen by 082 453 6889
Jagkompetisie: Trekking 1 Mei tydens fees
1ste prys: 1 waterbokbul, rooihartbeesbul, 2 springbokke en 1 rooibok
2de prys: 1 gemsbokbul, 2 springbokke en 2 rooibokke
3de prys: 1 blouwildebeesbul, 2 springbokke en 1 rooibok

4de prys: Naweek vir 'n gesin op 'n wildplaas – selfsorg
 Wildplaas in Hartswater-omgewing
 Jagters: Geen dagfooie; selfsorg
 Slegs 500 kaartjies beskikbaar teen R200 elk
 Kontak Gerrit Staats by 082 414 9643

- **Vrydag 25 Mei: Gemeente Klerksdorp-Doringkruin Basaar en kontantfondsinsameling**
 Kaartjieverkope met pryse te wen
 Kaartjies R10 – koop boekie met 25 kaartjies teen R200
 en kry laaste 5 kaartjies gratis
 Trekking 25 Mei tydens basaar
 1ste prys: R10 000 kontant
 2de prys: 5 kg maalvleis, 5 kg wors en 2 kg biltong
 Persoon wat wenkaartjie verkoop, kry R1 500 kontant of 'n slagskaap
 Navrae aan gemeentelike kerkkantoor by 018 468 5545
 of oudl Roenie van Zyl by 082 458 1257

ANDER NUUS

- Ons het op 2 Februarie berig oor **mev Sarie Roux** van die Sinodale Kerkkantoor se dogtertjie wat op 32 weke gebore is. **Klein Chloe** is op 1 Maart uit die hospitaal ontslaan. Sarie en Rudie en klein Candice sê baie dankie vir almal se gebede. Daarsonder sou hulle nie hierdie moeilike pad kon loop nie.
- Baie geluk aan die Administrateur, **mnr Elmar Struwig**, met sy verjaardag op Donderdag 8 Maart. Mense wat na die Sinodale Kantoor skakel, kan gerus ook geluk sê aan **mnr Jannie van Niekerk** van ontvangs en die vriendelike stem oor die telefoon, wat op Vrydag 9 Maart verjaar.
- **Die NHSV rig die volgende boodskap aan die Ondersteuningsraad:** “Op Dinsdag 13 Maart vind Nasionale Maatskaplike Werkersdag plaas. Die NHSV bedank die Ondersteuningsraad vir die wonderlike, onbaatsugtige diens wat u onder baie moeilike omstandighede vir die Kerk verrig. Mag ons Hemelse Vader u seën met wysheid, genade, krag en goeie gesondheid om u werk van elke dag te kan doen.”
- **DIE ONDERSTEUNINGSRAAD: VAKATURES**
 Daar is tans poste vir gekwalifiseerde Maatskaplike Werkers by:
 - Brakpan
 - Krugersdorp
 - Potchefstroom
 - Vanderbijlpark.

By die Pretoria- en Lydenburg-kantoor is poste vir Afrikaanssprekende, gekwalifiseerde Hulp-maatskaplike-werkers wat oor 'n geldige rybewys beskik.

Kontak Mariaan Steenkamp by mariaans@nhk.co.za of Charmaine Fourie by oraadpb@nhk.co.za, 012 322 8885 x313 of 071 684 7796.

- **PRINSHOFSKOOL VIR GESIGGESTREMDES**
 (Een van die TOIBO-skole)
 Konsert met Michelle Veenemans en ander Soliste van Prinshof
Sondag 11 Maart om 15:00
 Musaion, UP (lokaal geborg deur UP)
 R70 (seniors, studente en kinders)
 R80 (volwassenes)
 Bespreek by Marie Hoogenraad by 012 804 3299



Chloe Roux



Mnr Elmar Struwig

Michelle Veenemans presents
A Song of Hope
 Benefit Concert
 Prinshof School for the Visually Impaired

Performers:

Singers from the Prinshof Magnet Music Centre
 Titia Kelzer (special guest soprano from The Netherlands)
 Michelle Veenemans – Soprano
 Dewald von Solms – Tenor
 Barbara Veenemans – Programme Director



11 March 2012, 15:00
 Musaion, University of Pretoria
 Tickets: R70 & R80
 Book at 012-804 3299 Marie Hoogenraad

Financial donations : Absa Bank Prinshof School,
 Cheque account number: 020 840 120, branch code 632005,
 Reference: Song of Hope

www.michelleveenemans.com

- **ADVERTENSIES** waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die *e-Hervormer* geplaas word. Dit bestaan hoofsaaklik uit **teks van ongeveer 110 woorde** (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Indien 'n jpg-weergawe van die advertensie voorsien word, moet dit **verkieklik nie groter as 'n standaard besigheidskartjie** wees nie. Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na produksie@nhk.co.za. **GEEN** advertensie sal geplaas word sonder dié bewys nie. Die teks en bewys van betaling moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge. **Die koste is R150 per plasing.**

Die verskuldigde bedrag moet uitgemaak word aan:
 Raad van Finansies
 ABSA Bank
 Tjekrekening nommer 020-000-287
 Takkode 632-005
Verwysing: u naam + e-Hervormer Ads

KOMMENTAAR

Lesers kan kort kommentaar (**uiters 100 woorde**) stuur aan produksie@nhk.co.za. Langer bydraes sal nie geplaas word nie, en moet eerder na die gespreksforum van die Kerk se webblad by www.nhk.co.za gestuur word. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

“As gewone lidmaat is ek dankbaar vir leiding vanaf die AKV en die positiewe gesindhede wat dit na die ringskommisies laat uitkring het, soos netjies deur ds Etienne Fourie in verlede week se hoofartikel saamgevat. Mag ons so besig raak om kerk van Christus te wees dat die wonde van die afgelope tyd met liefde genees.”

Stellenbosser
(naam aan redaksie bekend)

AGTERBLAD

'n Nuwe dag...

Die April 2012-uitgawe van Konteks word volgende week aan gemeentes gepos.

Die voorblad se helder deursigtige waterdruppels, blink soos sterre, dui op die Nuwe Dag wat reeds aangebreek het. Christus het waarlik opgestaan! Só weerklink dit deur die eeue: die geloofsbelydenis en hoop van alle Christene.

Die tweede deel van 'n reeks van drie artikels oor die Josef-verhaal met die oog op vanjaar se Bybelvasvra verskyn in hierdie uitgawe. Lees ook oor die bediening in Namibië en Zimbabwe, en kyk na 'n fotobeeld van die Hervormde Kerk in die ring van Zoutpansberg. Maak kennis met die nuwe redakteur van *Die Christelike Vrou*, en lees twee resensies oor nuwe boeke wat onlangs verskyn het.

*** Kontak mev Susann van Zyl by 012 322 8885 x291 of sentik@nhk.co.za om vir 2012 in te teken en 10 uitgawes teen R140 te ontvang. Besoek www.konteks.co.za en lees elke keer wat in die nuutste beskikbare uitgawe verskyn.

Redakteur: Dr André Ungerer
 Subredakteur: Ds Etienne Fourie
 Kerknuus: Dr Wouter van Wyk
 Teksversorger: Mev Tessa Oppermann
 Uitlegkunstenaar: Mej Izelle Marx



UNIVERSITEIT VAN PRETORIA

Die Universiteit van Pretoria se verbintenis tot kwaliteit maak ons een van die top navorsingsuniversiteite in die land en gee ons 'n mededingende voordeel in internasionale wetenskap- en tegnologie-ontwikkeling.

In navolging van die ideale van uitnemendheid en diversiteit, word aansoeke vir die volgende pos ingewag:

FAKULTEIT TEOLOGIE

DEPARTEMENT OU-TESTAMENTIESE WETENSKAP

SENIOR LEKTOR/MEDEPROFESSOR/PROFESSOR (EEN POS) (VERW. 20742)

Hiermee word bekend gemaak dat 'n permanent-voltydse vakature ontstaan het in die Departement Ou-Testamentiese Wetenskap van die Fakulteit Teologie aan die Universiteit van Pretoria.

Die pos moet ingevolge 'n ooreenkoms tussen die Universiteit van Pretoria en die Nederduitsch Hervormde Kerk van Afrika (NHK) deur 'n predikant van die Kerk gevul word.

Pligte: Die bekleër se primêre verantwoordelikhede sluit die volgende in (maar is nie beperk nie tot): * Doseerverpligtinge op voorgraadse en nagraadse vlak in die dissipline van Ou-Testamentiese Wetenskap * Die nakom van navorsingsverpligtinge en -take soos deur die Fakulteit Teologie neergelê * Betrokkenheid by komitees van die Fakulteit Teologie * Betrokkenheid by die werksaamhede van die Departement.

Minimum vereistes: 'n Doktorsgraad in Ou-Testamentiese Wetenskap.

Die posvlak sal bepaal word na aanleiding van die kandidaat se professionele portefeulje. Die volgende standaarde is 'n aanduiding tot 'n bepaalde posvlak:

Senior Lektor: * Bewese belangstelling in Ou-Testamentiese Wetenskap (wat byvoorbeeld blyk uit akademiese en populêr-wetenskaplike publikasies).

Medeprofessor: * Ten minste drie jaar doseerondervinding/betrokkenheid by 'n tersiêre onderwysinrigting * 'n Bewese navorsingsrekord van akademiese publikasies in Ou-Testamentiese Wetenskap * Nasionale erkenning as 'n gevestigde akademikus * Suksesvolle begeleiding van nagraadse studente op magistervlak.

Professor: * Ten minste vyf jaar doseerondervinding/betrokkenheid by 'n tersiêre onderwysinrigting * Gepubliseerde navorsing en eweknie-beoordeelde publikasies in nasionale en internasionale geakkrediteerde tydskrifte * Internasionale erkenning as 'n gevestigde akademikus * Suksesvolle begeleiding van nagraadse studente op doktorsvlak.

Die jaarlikse vergoedingspakket vir hierdie pos sal in ooreenstemming met die suksesvolle kandidaat se kwalifikasie- en ervaringsvlak wees. UP onderskryf die BESTMED mediese skema en dra 50% van die toepaslike maandelikse paaierement by.

Aanzoekers word versoek om elektronies aansoek te doen op die Universiteit se webwerf: www.up.ac.za met vermelding van die toepaslike verwysingsnommer.

Om aansoek te doen vir hierdie pos, heg asseblief aan: * 'n Omvattende CV * Gesertifiseerde afskrifte van kwalifikasies * Die name en kontakbesonderhede (e-pos en telefoonbesonderhede) van drie kontakbare referente * Die name en kontakbesonderhede van eweknie beoordelaars (akademie en navorsing) * Selfevaluering.

Sluitingsdatum: 30 Maart 2012

Geen aansoek sal oorweeg word as dit na die sluitingsdatum ontvang word nie, of as dit nie ten minste aan die minimum posvereistes voldoen nie.

Navrae: Prof J Buitendag, tel. (012) 420 2322

Indien daar nie teen 31 Mei 2012 met u in verbinding getree is nie, aanvaar asseblief dat u aansoek onsuksesvol was.



UNIVERSITEIT VAN PRETORIA
UNIVERSITY OF PRETORIA
YUNIBESITHI YA PRETORIA
Denkleiers • Leading Minds • Dikgopolo tša Dihlalefi

www.up.ac.za skakel: Careers@UP

Die Universiteit van Pretoria is verbind tot gelykheid, billike diensbetrekkinge en diversiteit. Alle kandidate wat voldoen aan die aanstellingsvereistes word uitgenooi om aansoek te doen. Ooreenkomstig die Gelyke Indiensnemingsplan van die Universiteit en die doelwitte en teikens wat daarin vervat is, mag voorkeur verleen word aan kandidate uit onderverteenvoordigde aangewese groepe, maar word nie tot sulke kandidate beperk nie. Die Universiteit van Pretoria behou die reg voor om nie 'n aanstelling in die pos soos geadverteer te maak nie.